

ShaneNabi.In

Best Sunni Islamic Website



Mohammad Na Hote To Kuch Bhi Na Hota **(English Qawwali Lyrics)** *Written By: Anvar Gujrati*

Follow us on social:

-  <https://youtube.com/@shanenabi>
-  <https://www.facebook.com/shanenabi.in>
-  <https://www.instagram.com/shanenabi.in>
-  https://twitter.com/ShaneNabi_In

For more lyrics and islamic content please visit <https://shanenabi.in>
This lyrics downloaded/printed from <https://shanenabi.in> website.
For help/request contact us on support@shanenabi.in

**Islam Ka Usool Koi Manta Nahi,
Roza Namaz Haj Zakat Janta Nahi**

**Rooye zamin Pe Aate na Jo Aamina Ke Laal,
Koi Khudaye paak Ko Pehchanta Nahi**

**Na Kaliyan Hi Khilti Na Gul Muskurate,
Agar Baage Hasti Ka Mali Na Hota,
Yeh Sab Hai Mere Kamli Wale Ka Sadka,
Mohammad Na Hote To Kuch Bhi Na Hota**

**Zamin Asman Chand Taare Na Hote,
Yeh Duniyan Ke Rangin Nazarein Na Hote,
Na Gunche Chatakte Na Gul Muskurate,
Na Panchhi Hi Vehdat Ke Nagme Sunate,
Na Gulshan Mein Aati Yeh Rangin Baharein,
Barasti Na Rehmat Ki Rimjhim Fuharein,
Gulon Me Yeh Rnage Jamali Na Hota,
Mohammad Na Hote To Kuch Bhi Na Hota**

**Yeh Sab Hai Mere Kamli Wale Ka Sadka,
Mohammad Na Hote To Kuch Bhi Na Hota**

**Tufaile Mohammad Yeh Duniya Bani Hai,
Inhi Ke Kadmo Se Yeh Dharti Saji Hai,
Pahadon Samandar Yeh Gulshan Yeh Sehra,
Yeh Din Raat Yeh Subh O Sham O Savera,
Na Aagaj Hota Na Anjam Hota,
Na Quran Ka Jari Farman Hota,
Nishan Tak Bhi Duniya Ka Baki Na Hota,**

Mohammad Na Hote To Kuch Bhi Na Hota

**Yeh Sab Hai Mere Kamli Wale Ka Sadka,
Mohammad Na Hote To Kuch Bhi Na Hota**

**Kahan Phir Yeh Hilqat Ki Takhleq Hoti,
Kahan Phir Sadakat Ki Tasdek Hoti,
Yeh Aadam Ka Putla Banaya Na Hota,
Nabi Koi Duniya Mein Aaya Na Hota,
Na Yakub Yusuf Na Isa Na Moosa,
Na Daud Yaah Yaah Na Nooh Na Zikariya,
Nabuvat Ka Yeh Silsila Na Hota,
Mohammad Na Hote To Kuchh Bhi Na Hota**

**Yeh Sab Hai Mere Kamli Wale Ka Sadka,
Mohammad Na Hote To Kuch Bhi Na Hota**

Na Allah Ho Akbar Ki Aati Sadayein

**Kabi Khatam Hota Na Daure Jahalat,
Badalti Na Hargiz zamane Ki Halat,
Na Kabe Mein Hoti azane bilali,
Buton Se Kabhi Kaba Hota Na Khali**

Na Allah Ho Akbar Ki Aati Sadayein

**Agar Noore Haq Ka Wo Sathi Na Hota,
Khuda Ka Koi Bhi Pujari Na Hota,
Na Allah Ho Akbar Ki Aati Sadayein,
Na Bandon Ki Maqbool Hoti Duayein,**

Na Aaen Aate Na Quran Aata,
Na Ummat Ki Bakshish Ka Saman Aata,
Na Ghar Ghar Mein Quran Ki Hoti Tilawat,
Na Allah Ki Koi Karta Ibadat,
Kahin Par Bhi Zikr-E-Ilahi Na Hota,
Mohammad Na Hote To Kuch Bhi Na Hota

Yeh Sab Hai Mere Kamli Wale Ka Sadka,
Mohammad Na Hote To Kuch Bhi Na Hota

Khuda Jane Kya Hota Mehshar Mein Anwar,
Na Aate Jahan Mein Jo Maula Ke Dilbar,
Gunhagar Dete Tab Kiski Duhai,
Na Milti Kabhi Aasiyon Ko Rihai,
Khataon Pe Aasi Bahut Gidgidate ,
Azabe Ilahi Se Par Bach Na Pate,
Khuda Baksh Dene Pe Razi Na Hota,
Mohammad Na Hote To Kuch Bhi Na Hota

Yeh Sab Hai Mere Kamli Wale Ka Sadka,
Mohammad Na Hote To Kuch Bhi Na Hota

Nabi Ki Jo Jalwa Numaiyi Na Hoti,
Khuda Ki Kasam Ye Khudai Na Hoti

Yeh Sab Hai Mere Kamli Wale Ka Sadka

Zamane Mein Har Simt Rehta Andhera,
Sada Rehta Tarikiyon Ka Basera
Ye Sab Hain Mere Kamli Wale Ka Sadka



Agar Paida Maula Ke Dilbar Na Hote,
Ye Mehrabon Mimbar Munavar Na Hote

Yeh Sab Hai Mere Kamli Wale Ka Sadka